

144

12. ágúst

	Pvermál mm	Þyngd alls g	Málmblanda
e. Peningar, sem gildi 5 aura ..	24	6	95 þyngdarhlutar af eiri, 4 þyngdarhlutar af tini og 1 þyngdarhluti af zinki eða 97 þyngdarhlutar af eyri, 2½ þyngdarhluti af zinki og ½ þyngdarhluti af tini.
f. Peningar, sem gildi 2 aura ..	19	3	
g. Peningar, sem gildi 1 eyri ..	15	1,6	

Reglugerð þessi, sem sett er samkvæmt bráðabirgðalögum frá 11. júní 1942 um breyting á lögum nr. 19 27. júní 1925, um innlenda skiptimynt, öðlast þegar gildi.

Fjármálaráðuneytið, 12. ágúst 1942.

F. h. r.

Magnús Gíslason.

Einar Bjarnason.

145

25. ágúst

Staðfesting ríkisstjóra á skipulagsskrá fyrir „Námssjóð fátækra barna í Breiðdalsskólahverfi í Suður-Múlasýslu“, útgefin á venjulegan hátt að mandatum af dóms- og kirkjumálaráðherra 25. ágúst 1942.

Skipulagsskráin er þannig:

SKIPULAGSSKRÁ

fyrir námssjóð fátækra barna í Breiðdalsskólahverfi í Suður-Múlasýslu.

1. gr.

Stofnfé sjóðsins er kr. 1000.00. Af fé þessu eru kr. 271.30 framlag úr sveitar-sjóði Breiðdalshrepps árið 1941, en hitt, kr. 728.70, var gamall sjóður í eign sama hrepps og nefndist vaxtasjóður, en hreppsnefnd fékk samþykki sýslunefndar til þess að verja honum á þenna hátt.

2. gr.

Tilgangur sjóðsins er, að greiða námskostnað barna við væntanlegan heima-vistarskóla í Breiðdal, þegar sjóðstjórnin telur að foreldrar barnanna eða þeir, sem ganga þeim í foreldrastað, hafi ekki efni á að greiða þann kostnað.

Meðan sjóðurinn er ekki nógu öflugur til að greiða skólakostnað allra barna, sem teldust hafa þess þörf, ganga fyrir öðrum þau sem fátækust eru, að dómi sjóðstjórnarinnar.

Munaðarlaus börn gangi fyrir, að öllu jöfnu.

3. gr.

Sjóðnum skal afla tekna með frjálsum framlögum félagsheildar eða einstaklinga, áheitum og yfirleitt á allan þann hátt, sem sjóðstjórnin telur æskilegt og samboðið tilgangi sjóðsins.

4. gr.

Sjóðinn skal ávaxta í Landsbanka Íslands eða á öðrum jafntryggum stað, á þann hátt, sem arðvænlegast þykir.

Allir vextir leggist við höfuðstól, þar til sjóðurinn er orðinn kr. 10000.00. Þá skal

úthluta helmingi vaxta en hinn helmingurinn leggst við höfuðstól, þar til hann er 145
orðinn 20 þús. kr. Eftir að sjóðurinn hefur náð því marki, er ráðstöfun vaxtanna 25. ágúst
algerlega á valdi sjóðstjórnarinnar. Sjóðstjórnin tilkynnir úthlutun á sumardag
fyrsta ár hvert, eftir að úthlutun hefst úr sjóðnum.

5. gr.

Stjórn sjóðsins skipar 5 manna nefnd:

Skólastjóri barnaskólans og sé hann jafnan formaður nefndarinnar; 2 menn,
kosnir af hreppsnefnd Breiðdalshrepps á fyrsta fundi, sem hver nýkjörin hrepps-
nefnd heldur, og til jafnlangs tíma og hreppsnefnd er kosin, og 2 konur, kjörnar
af húsfreyjum í sveitinni, til jafnlangs tíma í senn og hinir hreppsnefndar kjörnu
nefndarmenn. Sjóðstjórnin vinnur kauplaust.

6. gr.

Sjóðstjórnin heldur gerðabók fyrir sjóðinn, og færir í hana fundargerðir, reikn-
inga og yfirleitt allt, sem varðar hag og rekstur sjóðsins, og ber hún ábyrgð á öllum
fjárreiðum sjóðsins. Endurskoðandi hreppsreiknings skal árlega endurskoða reikn-
inga sjóðsins endurgjaldslaust.

Reikningsár er almanaksárið.

7. gr.

Heimilt skal sjóðstjórn, ef hún telur ekki nauðsyn að verja vöxtum samkvæmt
2. gr., að verja þeim til bóka eða áhaldakaupa fyrir skólann eða á hvern þann hátt,
sem hún telur að börnunum verði til varanlegs gagns, til eflingar líkamlegum eða
andlegum hæfileikum þeirra.

8. gr.

Ef óþarft telst að halda áfram starfsemi sjóðsins, vegna breyttrar löggjafar,
eða af öðrum ástæðum, fellur hann að öllu leyti til Breiðdalshrepps í Suður-
Múlasýslu.

9. gr.

Bráðabirgðar ákvæði: Meðan heimavistar skólinn (sbr. 2. gr.) er ekki stofn-
aður, skal sjóðurinn vera í umsjá hreppsnefndar Breiðdalshrepps.

10. gr.

Leita skal staðfestingar ríkisvaldsins á skipulagsskrá þessari og hún síðan
birt í B-deild stjórnartíðindanna.

Framanrituð skipulagsskrá samþykkt óbreytt.

Hreppsnefndin í Breiðdalshreppi, 14. maí 1942.

Páll Guðmundsson. Jón Björgólfsson. Hósiás Björnsson.
Stefán Stefánsson. Einar Vigfússon.